

AWIG - AWIG DESA PAKRAMAN MAWANG



**DESA LODTUNDUH
KECAMATAN UBUD
KABUPATEN GIANYAR**

PIDAGING

MAKA BANTANG AWIG-AWIG DESA PAKRAMAN MAWANG MURDHA - CITTA

		WIDANG
PRATHAMA SARGA	ARAN LAN WAWIDANGAN DESA	1
DWITYA SARGAH	PATITIS LAN PAMIKUKUH	2
TRITYA SARGAH	SUKERTA TATA PAKRAMAN	2
	Palet 1 Indik Krama	2
	Palet 2 Indik Prajuru/Dulun Desa	5
	Palet 3 Indik Kulkul	6
	Palet 4 Indik Paruman	7
	Palet 5 Indik Druwen Desa	9
	Palet 6 Sukerta Pamitegep	10
	Kaping 1 Karang, Tegal lan carik	10
	Kaping 2 Pepayonan	10
	Kaping 3 Wewangunan	11
	Kaping 4 Wewalungan	11
	Kaping 5 Bhaya	12
	Kaping 6 Penyanggran Banjar	13
CATHURTAS SARGAH	SUKERTA TATA AGAMA	
	Palet 1 Indik Dewa Yadnya	13
	Palet 2 Indik Resi Yadnya	17
	Palet 3 Indik Pitra Yadnya	17
	Palet 4 Indik Manusa Yadnya	21
	Palet 5 Indik Bhuta Yadnya	21
PANCAMA SARGAH	SUKERTA TATA PAWONGAN	
	Palet 1 Indik Pawiwahan	22
	Palet 2 Indik Nyapian	24
	Palet 3 Indik Sentana	25
	Palet 4 Indik Warisan	27
SAT SARGAH	WICARA LAN PAMIDANDA	
	Palet 1 Indik Wicara	29
	Palet 2 Indik Pamidanda	29
SAPTAMA SARGAH	NGUWAH-NGUWUHIN AWIG-AWIG	30
ASTHAMA SARGAH	SAMAPTA	31

MURDHA CITTA

Om Awighnamastu Nama Siddham,

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya, Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wisesa, maka jiwana desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha Krama Desa Pakraman Mawang.

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-Awig iki.

PRATHAMA SARGAH

ARAN LAN WAWIDANGAN DESA

Pawos I

(1) Desa Pakraman Puniki mawasta Desa Pakraman Mawang.

(2) Jebar kakuwub wawidangannya mawates nyatur :

- ha. Sisih Wetan ring Tukad Bengbeng
- na. Sisih Kulon ring Tukad Wos
- ca. Sisih Lor ring Desa Pakraman Silungan
- ra. Sisih Kidul ring Desa Pakraman Negara.

(3) Desa puniki kawangun antuk karang ayahan Desa lan karang gunakaya kaepah dados 4 (petang) banjar luwire :

- ha. Banjar Pakraman Mawang Kaja
- na. Banjar Pakraman Mawang Kelod
- ca. Banjar Pakraman Apuh
- ra. Banjar Pakraman Lod Sema

DWITYA SARGA

DWITYA SARGAH
PATITIS LAN PAMIKUKUH

Pawos 2

Desa Pakraman Mawang ngamanggehang pamikukuh minakadi :

- ha. Pancasila.
- na. Undang-Undang Dasar 1945 pamekas Pasal 18
- ca. Paswara sang mawangrat nganinin indik Desa Pakraman.
- ra. Tri Hita Karana manut sada cara Agama Hindu.

Pawos 3

Luwir Patitis Desa Pakraman Mawang :

- ha. Ngukuhang miwah ngrajegang Sang Hyang Agama;
- na. Nginggilang tata Prawertine maagama;
- ca. Ngrajegang kasukertan Desa saha Pawongannya sakala lawan niskala

TRITYA SARGAH
SUKERTA TATA PAKRAMAN

Palet 1

Indik Krama

Pawos 4

- (1) sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa.
- (2) Sajaba punika sinanggeh tamiyu, sane kabinayang dados kalih inggih punika tamiyu sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa wenten 4 (petang) pawos, luwire :

- ha. Krama ngarep kula warga sane ngamong karang, utawi manut pararem.

na. krama

- na. Krama pangele/pengampel kulawarga sane nenten ngamong karang nanging sampun mawiwaha.
- ca. Krama balu, krama sane katinggal seda olih lanang utawi istri nyane, utawi sangkaning nyapihan krama balu inucap kabinayang dados :
 - 1. Balu makrambian, inggih punika balu sane maduwe sentana dereng marabian utawi dereng antes ngayah.
 - 2. Balu ngalisting, inggih punika balu sane tanpa sentana.
- ra. Krama-tapukan, kulawarga manut aksara ha utawi na ring ajeng sakewanten durung antes ngayah utawi salami kantun masekolah malarapan ilikita pastika saking sekolahnya, manut pararem.

Pawos 6

Ngawit dados Krama Desa :

- ha. Sangkaning ngamong karang, jenek mapaumahan utawi manut pararem.
- Na. Mawiwit pawiwahan.

Pawos 7

Panamaya tedun makrama Desa :

- ha. Nyabran nyepi saha majalaran antuk paigum saderengnya arep ring Krama sane ngamong karang ayahan Desa;
- na. Ngantos awarsa mawiwit pawiwahan;
- ca. Jenek mapaumahan, manut pararem.

Pawos 8

Sahanan Krama Desa keni tategenan luwire :

- ha. ayah ngarep, mapiteges urunan miwah ayahan mamungkul;
- na. ayah pangele, mapiteges urunan manut wiguna utawi manut pararem;
- ca. ayah balu, ayah miwah urunannya manut pararem;
- ra. ayah tapukan, keni urunan mamungkul.
Kaluputang ayah-ayahan, ngantos mayusa 17 warsa, utawi sampun mawiwaha. Yaning kantun masekolah, taler kaluputang ayah-ayahnya, malarapan ilikita pastika saking sekolahnya.
- ka. prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Swadharman Krama, sewosan ring tategenan, luwire :

- ha. Tinut saturut ring sadaging Awig-awig, pararem lan paswaran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

Pawos

Pawos 10

Swadharman Tamiyu, luwire :

- ha. Tinut saturut ring yasa kartin Desane;
- na. Tan piwal ring sadaging Awig-awig, pararem lan paswaran Desa;
- ca. Nyadokang raga ring Prajuru arahina sesampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa).

Pawos 11

Pilih-olihan Krama :

- ha. Pilih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

Krama Desa Pakraman Mawang kadadosang :

- ha. mapoangkid utawi tan tedun :
 - 1) rikala mapawangun ngeraabin, mayadnya, matepetin rare, sungkan kaluasan lan siosan punika;
 - 2) keingin tempo wantah apisan, sajawañin wenten wak-wakan saking Prajuru Desa.
- na. Nyada, mapiteges ngamademang ayah-ayahan, riantukan sampun wenten panyada utawi lintang werda, wiadin pinunas ngaraga, riantukan sungkan-sungkanan,
- ca. Nyade, utawi nyuksukin, sane kawenangang risampun manggeh deha-teruna utawi mrasidayang nganutin krama;
- ra. mopog nawur ayah saha papeson antuk arta brana manut pararem;
- ka. nungguh ngentosin ayah-ayahan saha papeson antuk arta brana duwaning kasudi antuk sang mawengrat wiadin kaluwasan ngarereh karya paling kidik 6 (nem) sasih.

Pawos 13

Wusan dados Krama Desa, luwire :

- ha. sangkaning :
 - 1) Pinunas ngraga, manawi kesah kadura Desa utawi ngalangkungi sagara;
 - 2) Kanorayang, duaning sampun tan prasida ngesehing solah maprawerti satata nguwig pamargin Awig-awig;
 - 3) Wusan makama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngelanting.

na. sang ...

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruweyan Desa;
- 3) Tan polih pasayuban sajeroning ala ayu;
- 4) Sang wusan makrama Desa/Banjar prade mawali malih patut nawur saurah arih tategenan krama manut pararem.

ca. Sang wusan sangkanin kanorayang, prade mawali malih patut :

- 1) muntasang saluwir pamidanda utawi tategenan sane ngranayang kanorayang;
- 2) nunas geng pangampura ring paruman desa maduluran panyangaskara panyapsap kaiwangan duwaning nguwak pasubaya pecak, manut pararem.

Palet 2

Prajuru lan Dulun Desa (Panglingsir)

Pawos 14

*Pakraman
Pamilihan Juru
Desa.*

- (1) Desa Pakraman Mawang kaenter olih Bendesa Pakraman;
- (2) Banjar kaenter olih Kelian Banjar.
- (3) Bendesa lan Klian Banjar patut :

ha. Mawiwit saking krama ngarep/wed kajangkepin antuk :

- 1) Uning ring aksara latin utawi Bali;
- 2) Uning ring tata titining mawa desa;
- 3) Uning ring pariindik Agama lan Adat;
- 4) Lascarya ngayah tur madruwe parilaksana sane rahayu.

na. Kaadegang malarapan antuk kacatri olih parumannya soang-soang nyabran 5 (limang) warsa, sajawaning wenten pariindik tiros, tan dados kacatri malih;

ca. Maduluran Dewa saksi ring Pura Kahyangan Tiga.

Pawos 15

- (1) Lintihan kaprajauruan Desa Pakraman Mawang :

ha. Sabha Desa;
na. Kebendesaan;
ca. Mudita Kertha Sabha;

- (2) Bendesa Pakraman Kasanggra olih :

ha. Patajuh pinaka wakilnya;
na. Panyarikan pinaka juru surat;
ca. Patengen utawi juru raksa pinaka pangamong druwen Desa;
ra. Pangliman pinaka Kelian Desa Tempekan;
ka. Kasinoman pinaka juru arah.

- (3) Kasinoman akehnya manut kawigunan saha magilir nyabran ngasasih

- (4) Sajeroning ngenterang kasukertan niskala, Bendesa mingsinggihang Pamangku Kahyangan Desa utawi sang Rumaga Sulinggih.

Pawos

Pawos 16

(1) Swadharmaning Bendesa Pakraman luwire :

- ha. ngenterang pamargin sadaging Awig-awig miwah pararem Desa;
- na. nuntun tur ngenterang krama rawuhing warga Desa sami ngupadi manut patitis;
- ca. mawosin kalih niwakang pamutus arep ring wicara warga Desa,
- ra. maka dutta Desa matemuang bawos ring sapa sira ugi.

(2) Prade Prajuru iwang palaksana keni pamidanda nikel ring kaiwangan soang-soang krama, tur dadós kararyanang manut pararem.

Pawos 17

Patias utawi olih-olihan Prajuru/Dulun Desa, luwire :

- ha. luput rerampen lan papeson;
- na. polih tanding tengah;
- ca. upon pacatu/palaba carik/tegal;
- ra. patias sewosan manut pararem.

Pawos 18

(1) Prajuru/Dulun Desa kagentosin riantukan :

- ha. seda;
- na. kanorayang dwaning iwang pamargi utawi nilar sesana;
- ca. wit saking pakayun utawi pinunas ngaraga.

(2) Nganorayang utawi ngentosin Prajuru/Dulu-dulu patut sajeroning paruman tur kaingkupin olih Krama Desa.

Palet 3

Indik Kulkul

Pawos 19

(1) Kulkul ring Desa luwire :

- ha. Kulkul ring Kahyangan;
- na. Kulkul Desa;
- ca. Kulkul Banjar;
- ra. Kulkul Sekaa-sekaa.

(2) Tabuh tatepakan kulkul ring Kahyangan Desa :

- ha. nungtit/silih asih, tengeran wenten Yadnya/Upacara;
- na. tulud lambat, tengeran tedun ngayah;
- ca. bulus, tengeran wenten bhaya.

(3) Tabuh tatepakan kulkul ring soang-soang bebanjaran :

Kul kul

ha. Bulus :

- 1) 2 (kalih) tulus bulus, tengeran kageni bhaya;
- 2) atulus bulus, tengeran kapandangan (artha bhaya);
- 3) 3 (tigang) tulus bulus, tengeran jiwa bhaya;
- 4) tigang klentungan bulus panjang, tengeran lindu, er, lan pawana bhaya.

na. Lambat :

- 1) atulus lambat, tengeran tedun ngayah utawi wenten pakaryan;
- 2) nungtit silih asih tengeran, surya grha, bulan kapangan;

ca. Klentungan :

- 1) 3 (tigang) klentungan, tengeran kelayuan sekar;
- 2) 5 (limang) klentungan, tengeran pawiwahan;
- 3) 7 (pitung) klentungan ngempang panjang, tengeran ngawangdeang karya.
- 4) 9 (sia) klentungan, tengeran rare embas.

Pawos 20

- (1) Kulkul Desa utawi Banjar tan wenang katepak yening tan sangkaning pituduh Prajuru Desa/Banjar sajawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mamurug kadanda manut pararem.
- (3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa/Banjar sajawanin tengeran bhaya, prade mamurug taler kadanda manut pararem.

Palet 4

Indik Paruman

Pawos 21

- (1) Paruman/sangkepan ring Desa Pakraman Mawang, wenten :

ha. paruman Desa/Banjar, kawentenang :

- 1) nyabran ngasasih, maka cihna tanpa arah-arah, dwaning sampun tetep panamaya manut pararem babanjaran soang-soang.
- 2) Napkala (padgata kala) maka jalaran arah-arah manut tatujon.

na. sangkepan Prajuru/Dulun desa, kawentenang manut wiguna;

ca. paruman sekaa-sekaa manut pabuat

(2) Paruman

(2) Paruman Desa utawi Banjar madudonan sakadi ring sor :

- ha. prasida lumaksana risampun katedunin olih sang patut ngamiletin, kamanggala antuk tengeran kulkul miwah mabusana Adat madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;
- na. maka sarana janggi, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem,
- ca. tan kalugra ngawetuang suwara gora utawi byota, yan wenten asapunika keni pamidanda beya pacamil kadi dandaning nguman-uman ring shaba;
- ra. pamutus babawos beriak sapanggul (ingkup) punika kamanggchang.

(3) Prade pidaging paruman tan kaingkupin mangda Prajuru/Dulun Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru/Dulu wenang nunas bawos ring Sang Ngawa Wenang.

Pawos 22

- (1) Sajeroning paruman Desa, Bendesa patut nyobyahang pamargin ngenterang Desa, pamekas nganinin indik;
 - ha. munjuk lungsuring pakraman saha ayah-ayah, sulur arta berana, druwen Desa;
 - na. rarincikan Prajuru/Dulu nganinin usaha Desa kapungkur.
- (2) Pamutus paruman Desa sinanggeh pararem maka pamitegep daging, Awig-awig.

Pawos 23

- (1) Sangkepan Prajuru/Dulun Desa kawenangang wantah ngarincikan pangerencana usaha Desa kapungkur;
- (2) Sangkepan Prajuru/Dulun Desa tan kawenang ngawedalang tategenan ring Krama sadereng kaingkupin olih Krama Desa ring paruman;
- (3) Pamutus sangkepan Prajuru/Dulun Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama Desa.

Palet 5
Indik Druwen Desa
Pawos 24

Padruwen Desa Pakraman Mawang sakadi ring sor :

- ha. Kahyangan Desa luwire ;
1) Kahyangan Tiga : Pura Desa lan Bale Agung, Pura Puseh, Pura Dalem lan Praja pati
2) Pura Penataran
3) Pura Sapu Jagat
4) Pura Alas Arum
5) Pura Manik Suci
- na. Wantilan Desa;
ca. Tanah Tegalan (manut ilikita);
ra. Karang ayahan Desa lan gunakaya manut pararem;
ka. Setra;
da. Palaba Pura, carik/tegal (manut ilikita)
ta. Lelanguan, makadi tetabuhan lan ilen-ilen padruwen Desa/babanjaran luwire
1) Gong, angklung
2) Ilen-ilen wali Pura : Rejang, Pendet, Baris Gede
3) Muwah padruwen tiyosan.
- sa. Nyasa, sasanthi
wa. Lembaga Perkreditan Desa (LPD).

PAUD -

Pawos 25

Pilih-olihan Desa Pakraman Mawang luwire :

- ha. pilih-olihan saking palaba Pura;
na. urunan Krama Desa Pakraman;
ca. Paica saking Guru Wisesa;
ra. paica-paica sane tiyosan, sane patut;
ka. usaha Desa Pakraman.

Pawos 26

- (1) Prajuru / Dulun Desa wenang ngetangang pamupon laba Pura lan sapanunggalan druwen Desa.
- (2) Pikolih lan pamuponnya kaanggen prabeya piodalan saha wewangunan ring Pura miwah anggen kabuatan Desa Pakraman.
- (3) Nyabran pasangkepan Desa, Prajuru/Dulu pangamong druwen desa nguningayang pariindik lungsuring padruwean ring Krama Desa.
- (4) Sakaluwiring druwen Desa patut wenten ilikitanya.
- (5) Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

Pelet 6
Sukerta Pamitegep
Kaping 1
Karang, Tegal lan Carik
Pawos 27

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannya asri.
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal, carik utawi tanah padruweyan ngaraga, sane kapiara wates sisi klod miwah kauh utawi manut dresta, reh punika mawasta gegaleng kateben.
- (3) Prade karasayang pagehan/turus inucap ngalikadin, yan pada arsa panyandinge, kengin watese nganggen pinget kewanen, kasaksinin olih Prajuru/Dulun Desa utawi prasihna pal saking Sang Ngawawenang.
- (4) Prade wenten karang kabebeng / embet mangda kautsahayang wenten pamarginnya, manut paigum lan pararem.
- (5) Tan kengin :
 - ha. ngentungan wangken wewalungan kapakarangan/tegal anak lian, kalih kamargine utawi katukade;
 - na. ngembahang toya wit saking badan wewalungan, kakus, pasiraman, pawaregan, kategal, carik, kamargine utawi katukade, miwah sane siyosan, sane ngawinang ambu kawon;
 - ca. prade wenten sakadi ring ajeng keni pamidanda manut pararem.

Pawos 28

- (1) Sinalih tunggil Krama Desa/Banjar tan kalugra :
 - ha. Ngalah-alah margi, tegal ayahan Desa, karang Desa, lan sapanunggalannya;
 - na. ngalah-alah tanah linggih kahyangan, tegak setra, lan sakancan linggih sinanggeh suci.
- (2) Prade wenten sakadi ring ajeng, sang ngalalah wenang ngawaliang tanah inucap saha keni pamidanda manut pararem kadulurin upakara prade ngalahlah tanah suci.

Kaping 2
Pepayonan
Pawos 29

- (1) Ngawit nandur pepayonan tanem tuwuh patut adepa agung (2,5 meter) ngajeroang saking wates, prade jantos ngaliwat wates wenang kasepat gantungin.

(2) Yening

- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit, sang rumasa katekethan/kajerihan wenang masadok ring prajuru/Dulu, tur risampun kaparitas kalugra mademang wit inucap, sakewanten patin pepayonan patut katawur manut pangeloka sane nepasin.
- (4) Sang keni pamidanda panyangaskara saha prabeya manut pararem arep ring wewangunan sang karubuhin, luwire :
 - ha. sang nruwenang wit sinanggeh mayanin, prade pungkak ngarubuhin wewangunan krama tiyos;
 - na. Sang notor, munggul utawi ngarebah taru tur ngarubuhin krama tiyos.
- (5) Prade wenten wit mentik sajronin wates patut kapademang, mangda tan ngranayang wicara. Prade sampun ageng kapademang, wit punika pinara tiga
 - ha. Apah tiga katur ring sang nruwenang wit.
 - na. Apah tiga katur ring sang panyandingnya.
 - ca. Apah tiga katur ring Desa Pakraman.
- (6) Krama Desa patut ngamanggehang kawerdian tanem tuwuh sane ngawinang Desane asri.

Kaping 3

Wewangunan

Pawos 30

- (1) Nyabran ngawangun patut :
 - ha. masadok ring Prajuru/Dulu, ping ajeng prade wewangunan nganinin wates.
 - na. ngangge sukat asta bhumi miwah gagulak asta kosala-kosali, sanistane manut ring patitis niskala;
 - ca. tan nyayubin kapisaga.
- (2) Prade wewangunan jantos nyayubin bilih-bilih temböke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangda kakaryane abangan.

Kaping 4

Wewalungan

Pawos 31

- (1) Warga Desa sane mamiara wewalungan patut sayaga nitenin negul / ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletehin Kahyangan.

- (2) Prade wenten wewalungan malumbar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur panebas papiaran tetabanan, manut pangeloikan Prajuru/Dulun Desa.
- (3) Prade jantos ngaletihin linggih suci, minakadi Pamrajan, risampun kaparitatas olih Prajuru/Dulu wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletihin Kahyangan Desa utawi Pura Pamaksan, wenang nyaronin antuk Panca sata miakerep itik belang kalung.
- (4) Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

Kaping 5

Bhaya

Pawos 32

- (1) Parindik bhaya, luwire : jiwa bhaya, artha bhaya (kapandangan), dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman jadma tiyos, kakenanin pamidanda beya pacamil maduluran tebasan prayascitta.
- (5) Yaning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

Pawos 33

- (1) Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara ha utawi sang kamalingan atur supeksa ring Prajuru/Dulun Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggah suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru/Dulu jantos jatma tios nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.

(3) Prade

- (3) Prade wenten jatma ngarereh reramon, minakadi daun Kelapa, zon miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
 - ha. matengeran suwara (makaukan);
 - na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
 - ca. pamedal karangnya kadagingin sawen, maka cihna pangarah rikala suwung.

Kaping 6

Panyanggran Banjar

Pawos 34

Krama Desa rikala ngawentenang karya suka-duka, patut kasanggra olih Banjar, luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. Pangarombo utawi karya gotong-royong krama jantos ping tiga, langkungan ring punika patut katuran pangu;
- ca. Pangu rikala Pitra Yadnya manut abot dangan Yadnya, prade saking semengan ngantos wengi katuran pangu ping kalih.
- ra. Pangarombo tiyosan manut pararem.

CATHURTAS SARGAH

SUKERTA TATA AGAMA

Palet 1

Indik Dewa Yadnya

Pawos 35

- (1) Kahyangan Panyiwian ring sawidangan Desa Pakraman Mawang luwire
 - ha. Kahyangan Tiga, Pura Desa/Bale Agung, Puseh miwah pura Dalem lan Prajapati.
 - na. Pura panataran;
 - ca. Pura Sapuh Jagat
 - ra. Pura Alas Arum
 - ka. Pura Manik Suci

(2) Rahina

INDIK Piodalan

Ring KAYANGAN

KAYANGAN

-14-

- (2) Rahina Piodalan ring soang-soang kahyangan inucap, kadi ring sor;

- ha. Ring Kahyangan tiga, luwire :
1) Pura Desa/Bale Agung, rikala Bhuda Wage wuku Merakih
2) Pura Puseh, rikala Budha Wage wuku Langkir
3) Pura Dalem, rikala Anggara Kliwon wuku Medangsia

na. Pura Prajapati rikala Anggara Kliwon Wuku Medangsia

ca. Pura Penataran rikala Anggara Kliwon Wuku Perangbakat

ra. Pura Sapuh Jagat rikala Budha Kliwon Wuku Ugu

ka. Pura Alas Arum rikala Budha Umanis wuku Dukut

da. Pura Manik Suci rikala Anggara Kliwon Wuku Tambir

- (3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem.

- (4) Pengempon soang-soang Pura manut dresta kadi ring sor :

- ha. Pura Puseh, Kaempon olih Desa Pakraman Mawang;
na. Pura Desa/Bale Agung, keempon olih Desa Pakraman Mawang;
ca. Pura Penataran keempon olih Desa Pakraman Mawang;
ra. Pura Dalem, kaempon olih Desa Pakraman Mawang;
ka. Pura-pura siwosan, minakadi.

- 1) Pura Sapuh Jagat, keempon olih krama Banjar Mawang Kaja;
2) Pura Alas Arum, keempon olih krama Banjar Lod Sema
3) Pura Manik Suci, keempon olih Krama Maksan Manik Suci.

Pawos 36

- (1) Ring soang-soang Pura inucap patut kaadegang Pamangku;

- (2) Ngadegang Pamangku manut dudonan :

ha. Nyanjan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya.

na. Turunan utawi waris;

ca. Kacatri olih krama Desa.

- (3) Tan kawenang adegang Pamangku luwire :

ha. Cendangga makadi peceng, perot, cungh lan sapanunggilan ipun;

pa. Sang sapisira ugi sane tan kapatutang manut pararem; ✓

ca. Sakit ila, ayān, buduh wiadin edan;

ra. Sane tan madrebe kasucian urip.

- (4) Prabia

INDIK. PALOBON - PEMANGKU

KAYANGAN —

NGAWIT — TGL. 17-12-2018 — PARUMAN DESA

PENGABENAN PEMANGKU NGLANUS NGANTO

NYEKAH — UPEKADA MEMARQI — MASOROHAN —

BANGKIT — 4 — NGANTOS NYEKAH —

KATANGGUNG — SAKENG DESA SAMI —

YAN TEN WENTEN KAS. RING DESA

KAMEDALANG ANTUK. URUNAN MANUT AGENG

PRABIYA KATELASAN —

(4) Prabia kapamangkuan :

- ha. Adiksa Widhi (ngawintenin) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;
- na. Mapitra Yadnya riwekas lanang miwah isteri patut kasungkemin olih Krama Desa utawi pangemong, sanistane Brahmaprayascita, panyanggrane manut pararem prade Yadnya inucap kalaksanayang oleh wargan sira pamangku.
- ca. Sinalih tungguil krama yan wenten ngipik-ipik sapari polah pamangku, nanging pamangku tan sapunika pari polahnya kadi sanc kaipik-ipik, wenang jadma inucap kasisipang nyuciang pamangku, manut pararem.

PA Lobon
Pu - ku

(5) Pamangku patut ngamanggehang sasananing Pamangku luwire :

- ha. Ambek Dharma sadhu;
- na. Asewaka Dharma, makadang sastra utama;
- ca. Tan parek ring naya dustha;
- ra. Tan atayub ring tarub camara yudha; ✓
- ka. Tan manjing ring umah wong banija karma;
- da. Tan manjing ring umah wong drati krama;
- ta. Tan wenang ajajuden; -
- sa. Tan anginum asing angawe mada;
- wa. Tan pati pikul-pikulan;
- la. Tan salah suluh;
- ma. Tan wenang anayub upadrawaning cor, yan mawiyawahara teka wenang adewa saksi;
- ga. Tan griganing wong akweh; ✓
- ba. Tan keneng cuntakaning wong len, sajawanin kulawarganya tungguil natah, utawi pasiwanja manut dresta.

(6) Prade mamurug, wenang Pamangku nyepuhin raga kasaksinin olih Prajuru Desa.

(7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalet rabi, riwus upacaranya wenang ngawana wasa salaminya atahun, wus punika wawu mawinten lakibi kadi pawintenanya nguni (manut pararem).

Pawos 37

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinungguil Pamangku kapialang utawi cuntaka, kengin nguntap Pamangku kahyangan desa tiosan utawi nuwur sang sulinggih,
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

→ 23 - 11 - 2014.

Pawos

Pawos 38

Patias utawi olih-oliha Pamangku luwire :

- ha. Panyolasan miwah sarin canang ring soang-soang pakubon krama Desa;
- na. Upon palaba carik miwah tegal manut pararem;
- ca. Luput pakaryan, rerampen/reramon, lan padagingan (luput manuk);
- ra. Patias sewosan manut pararem.

Pawos 39

(1) Pamangku kagentosin riantukan :

- ha. Seda;
- na. Pinunas ngaraga, sangkanin kageringan lan sapanunggalannya;
- ca. Kauwusang olih krama sangkanin malaksana sane tan patut.

(2) Prade Pamangku kauwusang sangkaning malaksana tañ patut keni pamidanda manut pararem saha ngawaliang prabiya pawintenannya pecak.

Pawos 40

Kasukertan Kahyangan kadi ring sor :

- ha. Tan kalugra ngaranjing kapura luwire :
 - 1) Sang katiben cuntaka makadi sebel ring raga utawi kapademan;
 - 2) Makta sahanan barang sinanggeh ngaletèhin;
 - 3) Sato agung, sajawaning rikala mapapada;
 - 4) Mabusana sane tan patut kadi tatacaraning ngaranjing kapura;
 - 5) Sadereng polih wak-wakan (pituduh) Prajuru/Dulun Desa.

na. Pratingkahe tan wenang ring Pura :

- 1) Masumpah-(cor) sajawaning pituduh Prajuru/Dulun Desa;
- 2) Wak parusya/wak capala, makobetan, masasenengan, makolem dados asiki lanang wadon mabacin, mawarih, macecepin rare, majaljal/majengilan, nyangsang busana, menahin pusungan (santukan punika rikala majajahitan patut ngelung busung macingor lidinya);
- 3) Mungga tedun palinggih sajawaning pituduh Prajuru/Dulu.

ca. Sang mamurug kecap ring ajeng keni pamidanda pamrayascitta sapatutnya.

Pawos 41

(1) Yan wenten jadma karawuhan ring Pura, dados kapintonin prade rumasa kasumangsayan, yan tan wiakti, jatma inucap kasisipang manut pararem.

(2) Prade Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet 2

Indik Resi Yadnya

Pawos 42

- (1) Sang pacang madeg Sulinggih utawi Pinandita minakadi Balian Sonteng, Kubayan, sakaluwiring sane jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnian nyasarring kakecep miwah drestane, tur sareng nyaksinin upacara saha nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru/Dulu Desa.

Pawos 43

- (1) Sang Sulinggih lan pamangku patut ngariyining muputang ring wawidangan Desa Pakraman Mawang, sasampun punika wawu muputang yadnya kajebar tios Desa utawi kadura Desa.
- (2) Krama desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Sulinggih utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

- ha. Pangupakara Sang kalayu sekaran ;
- 1) antuk mendem utawi ngeseng, makacihna pakinsan ring ibu Pratiwi utawi ring geni, salami nuptupang prabeya;
 - 2) atiwa-tiwa (upakara pangabenan / palebon)
- na. Upacara upakara Pitra Yadnya riwusan kaabenan ngraris munggah daun bingin (ngaroras) manut dudonan Atma Wedana.

Pawos 45

Swahdarmaning lan tateganan prade wenten sinalih tunggil Krama kalayu sekaraan

- ha. Sang kaduhkitan patut :
- 1) nyadokang ring Klian tur nunas tatimbangan ring kawentenannya;
 - 2) ngaturin Banjar ngarombo makarya eteh-ete sawa saha nganter kasetra, tur katuran panyambra canang sasida-sidaan.

na. swadharmaning

na. Swadharmaning Banjar :

- 1) Klian Banjar maritatas pamargin sang kaduhkitan, napike pacang kapendem, makingsan riyin utawi lantur kaabenang;
- 2) Prade kapendem, raris kaswarayang kulkul pamitahu manut pawos 19 (3) aksara na olih Klian Banjar utawi wakilnya.
- 3) Panyanggran Banjar salanturnyane :
 - ha) soang-soang Krama Banjar nedunang patus besar, adeng, kalapa, miwah manut pararem.
 - na) ngarombo ngaryanin eteh-ete sawa, kasarengin olih Krama sane rawuh ngarombo.
 - ca) sami Krama Banjar nganter kasetra jantos puput pamendemane.

ca. Tan kengin ngalelet langkungan ring 7 (pitung) rahina, tur patut polih pagebagan manut paetangan Klian patus / Banjar.

ra. Tan kalugra nginepang bangbang miwah mendem rikala :

semut sadulur, ✕
kala gotongan, ✕
pasah, ✕
Kliwon, kajeng Kliwon, ✕
Soma, Umanis, Taulu, ✕
Was panganten, ✕
Ingkel Wong, ✕
Prawani, Purnama, Tilem, ✕
Rerahinan Jagat, nanging kalugra mekingsan / mebungbungan.

ka. Prade wenten kalayu sekaren rikala piodalan, kengin mendem tanpa sadok, tan nyuwarayang kentongan / kulkul tur mamargi wengi/sasiliban utawi ka setra siosan (setra pakingsan).

da. Pamargin pamendeman utawi palebonan mangda nganutin sastra agama lan dresta.

Pawos 46

(1) Sane kasinanggeh kacuntaka sakadi ring sor :

ha. cuntaka antuk kalayu sekaran;
na. cuntaka antuk ngraja swala;
ca. cuntaka antuk ngembasang putra,
ra. cuntaka antuk karuron,
ka. cuntaka antuk sakit, buduh,
da. cuntaka antuk pawiwahan,
ta. cuntaka antuk gamia gamana,
sa. cuntaka antuk salah timpal,
wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana,
la. cuntaka antuk mamitra ngalang,
ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidane,
ga. cuntaka antuk sad Tatayi.

(2) Sengker

(2) Sengker cuntak³ manut kawentenannya :

- ha. cuntaka kalayu sekaran, cuntakanya kaanutang ring loka dresta Desa Adat soang-soang;
- na. cuntaka ngraja swala, 3 rahina ngawit saking ngraja swala utawi salaminang ngraja swala;
- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maprayascita manut sastra Agama (sane istri) kemaon sane lanang 7 rahina.
- ra. cuntaka karuron, cuntakanya abulan pitung rahina (42 rahina) tur sampun matirta pameryascita;
- ka. cuntaka sakit baduh/edan-edanan, cuntakanya manut ilikita pastika saking sang Ngawawenang/sang nambanin miwah sampun mrayascita raga;
- da. cuntaka pawiwahan, cuntakanya ngantos sasampune matirta pabiukaonan;
- ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Pakraman /Kahyangan;
- sa. cuntaka salah timpal kapuputang manut ring sastra Agama Hindu;
- wa. Cuntaka anak istri mobot nenten kawentenang upakara pabiukaonan, cuntakanya ngantos kawentenang upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngantos wenten sane mamera sang putra, lan sampun kawentenang upakara manut ring sastra Agama Hindu,
- ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamunggahang upakara padwijatan.

(3) Cuntaka kalayu sekaraan/kapademan :

- ha. Kapendem cuntakanya :
 - 1) Cuntaka/sebel kabanjar ngantos 3 rahina riwusnya mendem/manut drestha utawi sasampun polih pamrayascita.
 - 2) Kulawargania sajeroning pakarangan ngantos 42 rahina/manut dresta.
- na. Kaabenang cuntakanya :
sang nyambut karya Pitra Yadnya cuntakanya ngawit saking nyambut padewasan karya, mapegat kalanturang malih tigang rahina.

(4) Sane katiben cuntaka luwire :

- ha. Kalayu,sekaran sane kacuntaka :
 - 1) sang sane kalayu sekaran;
 - 2) kulawarganya;
 - 3) babanjaran;
- na. Ngraja swala sane kacuntaka :
 - Sang sane ngrajaswala
- ca. Ngembas putra sane kacuntaka :
 - Kawulawargania sane ngembasang putra lanang wiadin istri

ra. Pawiwahan.....

- ra. Pawiwahan sane kacuntaka :
 - Sang sane ngalaksanayang pawiwahan lanang wiadin istri.
- ka. Sakit/buduh, sane kacuntaka raganya dawek.
- da. Karuron sane kacuntaka :
 - Kawula warganya lanang wiadin istri.
- ta. Gamia gamana sane kacuntaka :
 - 1) sang sane ngalaksanayang gamia gamana;
 - 2) Desa Pakraman nyane.
- sa. Salah timpal sane kacuntaka :
 - 1) Sang sane malaksana salah timpal;
 - 2) Kulawarganya;
 - 3) Desa Pakraman.
- wa. Anak istri mobot nenten kawentenang upacara pabiukaonan sane kacuntaka :
 - Sane maraga istri (sane mobot)
- la. Mamitra ngalang sane kacuntaka :
 - Sane ngalaksanayang mamitra ngalang.
- ma. Ngembas putra nenten kawentenang upakara pabiukaonan miwah upakara pawidi-widana sane kacuntaka :
 - 1) Sang sane ngembasang putra;
 - 2) Putra sane embas.
- ga. Sat Tatayi, sane kacuntaka :
 - Sang malaksana Sad Tatayi.

(5) Tan keneng cuntaka, luwire :

- (ha) Sang sulinggih lan Pamangku Kahyangan tiga;
- (na) Rikala piodalan risampun ngalang sasih/ngalang tengah.

Pengabenan. Pawos 47

- (1) Attiwa-tiwa (pangabenan) kalaksanayang antuk :
 - ha. Sawa prateka, pangabenan mawatang sawa;
 - na. Sawa resi, pangabenan mawatang antuk sawa kresyan;
 - ca. Suwasta, pangabenan mawatang sawa sane kagentos antuk lalang utawi toya.
- (2) Panemayan pangabenan wenten kalih pawos :
 - ha. Ngaben dadakan/bah bangun manut pawos;
 - na. Ngaben ngamasa, manut pararem.
- (3) Dudonan pangabenan ngawit saking ngagah (seda), ngeseng ngantos pangiriman utawi nganyut.

Pawos 48

- (1) Peputusan pangabenan wenten kalih pawos :

- ha. Ngaben ngamasa luwire : beras, ayam, kalapa, gesing, papah jaka, kelangсах miwah sane sewosan manut pararem;
- na. Pangingune ring Krama Banjar ngawit ngayah manut abot dangan kawentenan karya.

Palet 4

Indik Manusa Yadnya

Pawos 49

(1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.

(2) Upacara ring ajeng madudonan sakadi ring sor:

- ha. magedong-gedongan duk pangerempinian ibiang;
- na. duk sang karmareka medal;
- ca. kepus odel;
- ra. roras rahina;
- ka. tutug kambuhan (42 rahina);
- da. nigang sasihin (3 sasih);
- ta. pawetuan/otonan/odalan (6 sasih);
- sa. tutug kelih (ngraja swala wadone, ngembakin lanange)
- wa. Matatah/mapandes;
- la. mawiwaha;
- ma. mawinten;

(3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Butha Yadnya

Pawos 50

(1) Bhuta Yadnya inggih punika upacara-upakara byakala ring Pratiwi lan Kahyangan, sarwa prani saha upacara-upakara ring babuthan miwah ring piranti sewosan.

(2) Upacara pabyakala ring sarwa prani, sarwa tumuwuh muwang piranti luwire:

- ha. ring sarwa lelandep rikala Saniscara Kliwon wara Landep;
- na. ring sarwa tumuwuh lan piranti rikala Saniscara Kliwon wara Wariga;
- ca. ring sarwa syandara/wahana rikala Saniscara Kliwon wara Kuningan;
- ra. Ring sarwa lelanguan rikala Saniscara Kliwon wara Krulut;
- ka. ring sarwa ingon-ingon/wewalungan rikala Saniscara Kliwon wara Uye;
- da. ring sarwa ringgit, ukir-ukiran rikala Saniscara Kliwon wara Wayang;
- ta. upacara pakala-kalan manusa manut widana, kabawos pabyakala.

(3) Upacara pabyakala ring Pratiwi, Kahyangan lan Babuthan kawastaning macaru.

(4) Pacaruan

- (4) Pacaruan inucap ring ajeng nista, madia, utama, manut wiguna kadi ring sor :

ha. Ekasata;	ca. Panca sata;
ca. Panca Sanak;	ra. Resi gana;
ka. Tawur Agung;	da. Panca kelud;

- (5) Sajawaning kadi ring ajeng kawentenang upakara :

ha. saiban utawi yadnya sesa nyabran wusan ngarateng;
na. masapuh-sapuh rikala pacang wali ring pura;
ca. Pacaruan pasasihan kalaksanayang nangken Tilem ngawit sasih ka 5, 6, 7, 8
lan ka 9, sajawanin wenten durbiksan jagat.

Pawos 51

- (1) Nangken ngawarsa rikalaning Tilem kasang kawentenang tawur kasanga, kalanturang antuk ngarupuk, makacihna pacang mapag rahina panyepian benjange.
- (2) Brata panyepian sane kamargiang olih krama Desa;
- ha. amati geni; tankengin maapi-api;
na. amati karya; tan kengin nyambut karya;
ca. amati lelanguan, tan kengin maoneng-onengan, masuwara gora, lan, sapanunggalannya;
ra. amati lelungan, tan dados malancaran.
- (3) Prabatan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.
- (4) Sang mamurung kecap ring ajeng keni pamidanda manut pararem Banjar/tempek soang-soang kamargiang olih patelik (pacalang Desa).
- (5) Riwus rahina Nyepi (benjangne) maka cihna pangawit Isaka Warsa, patut warga Desa sami madharma Santi.

PANCAMA SARGAH SUKERTA TATA PAWONGAN

Palet 1

Indik Pawiwahan

Pawos 52

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala

(2) Pamargin

(2) Pamargin pawiwahan luwire ;

- ha. Pepadikan, kamanggala antuk pakrunayan;
- na. Ngarorod; marangkat riya wawu kakrunayang;
- ca. nyeburin utawi sentana nyeburin (risampun nganutin upakara pamerasan);

(3) Pidada sang pacang mawiwaha patut ;

- ha. sampun manggeh dahan-taruna (prasida nganutin Undang-Undang);
- na. sangkaning pada lila (tan kapaksa);
- ca. manut kecap sastra Agama (tan gamia gamana);
- ra. kasudiwadani prade pangambile tios Agama.

(4) Pamargin pawiwahan mangda taler nganutin Undang-Undang Perkawinan sakeng Sang Ngawawenang.

Pawos 53

(1) Pawiwahan sane kapatutang ring Desa, sakadi ring sor ;

- ha. sampun kamargiang pabyakala utawi pasakapan, kasaksiang sakala niskala olih Sulinggih utawi Pinandita;
- na. wenten pasaksi Prajuru/Dulu-dulu sane mapakelingang utawi ngilikitayang pawiwahan;
- ca. sampun matengeran suwaran kulkul;
- ra. pawiwahan inucap ring ajeng sampun kacatetang ring sang Ngawawenang.

(2) Parabian sane tan manut kadi kecap ring ajeng sinanggeh tan patut.

Pawos 54

Tata caraning parabian patut sakadi ring sor :

ha. Sapa sira ugi – pacang ngawarangang pakulawarganya patut masadok ring Prajuru/Dulu-dulu, salanturnya Prajuru/dulu maritatas manut tan manut pamargin parabine;

na. pamargin pepadikan manut dudonan :

- 1) Pakrunayan jantos ping tiga, saha soang-soang malarapan ;
 - ha. kapertama antuk canang/sedah;
 - na. kaping kalih antuk canang pangrawos;
 - ca. kaping tiga antuk daksina pajati kabawos pamuput pamadikan.
- 2) risampun puput raris sang istri kaajak budal ring pakubon sang-lanang, saha kalanturang antuk pabyakala.
- 3) Mangda puput tumus sakala niskala, raris kulawarga purusa makta pajati ring Pamarajan wadone (manut pararem)

ca. Prade ngarorod/marangkat patut ;

- 1) reraman lanange ngawentenang pamilaku/pangenduh antuk duta sakirangnya 2 (kalih) diri;
- 2) pagenahan antene tan kengin ring pakubon sang lanang sadereng mabeyakala.

ra. Sajeroning.....

- ra. Sajeroning pakrunayan/pangelukuan patut :
- 1) Kamanggala antuk geng pangampura arep ring wadone;
 - 2) Kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyane riwekas;
 - 3) Kacihnayang indik kaparusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulus pamerasan kategepin kamanggehang sentana nyeburin;
 - 4) Prade tan terima pajati, pakrunayan kamargiang jantos ping tiga.
- ka. pakereb-kambeyan mapiteges upacara tinas apadang (puput) mapakuren, dwaning manut sakadi ring sor :
- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
ha. jejauman pinaka ngambe/ngadungang kayun soang-soang pakulawargan wadone;
na. widi widana pinaka pajati niskala nunas wadone ring Pamrajanya.
 - 2) Sajeroning bawos kerab pamargi ring sakala :
ha. antuk panyaksi Krama Banjar, dwaning kaparabiang matengeran swaran kulkul;
na. pamekas pasaksi Prajuru/Dulu-dulu sane ngilikitayang.

Palet 2

Indik Nyapian

Pawos 55

- (1) Pawiwahan prasida kawusang malarapan antuk palas parabian utawi kapademan;
- (2) Wusan mapakuren riantukan salah sinunggil seda mapiteges balu, makadi balu lanang/istri.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supekta pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul (manut pararem).

Pawos 56

Tata cara palas parabian sakadi ring sor :

- ha. nawur prabeya pasaksi sinalih tunggil sami matenga;
- na. pagunakayan polih pahan pada;
- ca. pabekel, tadtadan soang-soang kakuasa niri-niri miwah warisan kakuasa olih purusa;
- ra. ngaweruhin miwah ngupajiwain pratisentana manut swadharmaning guru rupaka;
- ka. nawur pamidanda panebasan swaran kulkul manut pararem;
- da. ngelung jinah logika Prajuru/Dulu;
- ta. mapamit ring pamrajan lanange.

Prade riwekas sang palas kacihnan adung malih, patut ;

- ha. ngalaksanayang pawiwahan malih;
- na. kadanda nikel saking palase.

Pawos 58

(1) Sang balu kabinayang dados :

- ha. balu luh wit sentana (sentara rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- ha. ngamanggehang patibrata tan kengin ngamargiang' paradara/drati krama, manut pararem;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasanang olih pianak, utawi kulawarga pinih tampek sakeng kurenannya prade pianak kanton alit-alit;
- ca. kengin ngidih sentana prade wenten pidabdab sadurung sinalih tunggil padem, saha kabebasanang olih kulawarga sakeng kapurusa;
- ra. kawenangang mawiwaha malih, prade wenten kabebasanang manut angka/aksara ring ajeng.

Pawos 59

Balu kaucap tan pageh sakadi ring sor :

- ha. dratikrama utawi paradara;
- na. matilar saking pakubon tan pasadok jantos 6 (enam) sasih;
- ca. lempas ring swadharma sewos-sewosan, tan prasida ngehehin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 60

- (1) Sentana wenten kalih pawos, sane kaucap pratisentana miwah sentana paperasan
- (2) Pratisentana inggih punika sentana sane metu saking pawiwahan kapatut
- (3) Prade pawiwahan tan kapatut ngawetuang sentana, mangda tan kanton kawastanin babinjat utawi astra patut kamanggala antuk panyangaskara.

(4) Prade

- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang, sane dados kaarsayang sentana rajeg inucap wiwit angka (5), inggih punika :

- ha. Pratisentana wadon tunggal;
- na. sampun kamanggehang dados pratisentana lanang (purusa);
- ca. kapawiwahan kaceburin kautamayang antuk jadmā sane maagama Hindu utawi jadmā sane maagama siyosan sane sampun ngalaksanayang pamarisuda raga utawi sudiwadani;
- ra. sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Pakraman.

Pawos 61

- (1) Ngangkat sentana manut dudonan patut makacihna arta brana pamerasan sane kesaksiang sakala-niskala;
- (2) Sapa sira ugi krama pacang ngidih sentana patut masadok ring Bendesa sanistana 3 (tigang) sasih sadereng pamerasan. Bendesa ngalanturang pakarsa punika ring sang ngawa wenang;
- (3) Bendesa kawakilin olih Klian-Klian Banjar nyobyahang ring sawidangan Desa, sang sapa sira ugi rumasa tan lila mangda nyadokang masengker kalih uku (14 rahina) sabanen pamerasan ring Bendesa Pakraman;
- (4) Prajuru/Dulu Desa digelis mawosin saha ngicenin pamutus nepek ring catur dresta miwah pararem;
- (5) Prade sulur paperasan tan manut kadi kecap ring ajeng, Prajuru/Dulun Desa wenang ngandeg sang pacang mameras saha ngicenin pamutus mangda kapuputang riya babawos, sulur utawi wicaranya.

Pawos 62

- (1) Paperasan sane kapatut ring Desa risampun makacihna :

- ha. Widi-widana paperasan;
- na. Kasaksinin olih Prajuru Desa sane makelingang utawi ngilikitayang;
- ca. Kasobyahang ring wawidangan Desane.

- (2) Sane kapatut peras angge sentana kadi ring sor :

- ha. Jatma maagama Hindu
- na. papernahan nedunang saking sang meras;

- ca. Kulawarga saking purusa, prade tan wenten kengin saking wadon, yening taler tan wenten wawu kangin sakama-kama (saking kayun);
- ra. Kautamayang saking waris pancer kapurusa;
- ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang maagama Hindu, manut pararem.

- (3) Kengin ngangkat sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang.

Palet 4

Indik Warisan

Pawos 63

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire ;
- ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalannya;
 - na. Pamerajan;
 - ca. Pagunakayan, tadtadan/jiwa dana, hutang piutang.
- (3) Wawu kengin kabawos warisan prade wenten :
- ha. Sang mapiturun (pawaris);
 - na. Katurunan (ahli waris);
 - ca. Arta berana miwah tategenan makacihna warisan.

Pawos 64

- (1) Ahli waris luwire ;
- ha. Pratisentana purusa;
 - na. Pratisentana pradana (sentana rajeg);
 - ca. Sentana paperasan lanang/wadon;
- (2) Prade tan wenten sakadi ring ajeng, kang sinanggeh ahli waris :
- ha. Turunan purusa pernah ngunggahang, rerama lanang, pekak salanturipun rerama misan, mindon;
 - na. Turunan purusa pernah kasamping makadi kaponakan misan, mindon.

Pawos 65

Swadharmaning alih waris patut ;

- ha. Narima saha nguwasayang tetamian pahan saking kaluhurannya, makadi ngarempo sanggah, pura saha pangupakaranya miwah nyelidihinin ayah-ayahna pawaris;
- na. Ngabenang pawaris saha ngalanturang upacara-upakara pitra.
- ca. nawurin hutang-hutang pawaris sane manut pangeloika.

Pawos 66

pangepahan waris manut sakadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan pada sangkaning pagunakayan, sajabaning karang/tegal, ayahan Desa kaamong olih ahli waris kang sinanggeh Krama ngarep;
- ca. Sinalih tunggil ahli waris kengin tan polih pahan prade :
 - 1) Nilar kawitan lan sesananing Agama;
 - 2) Alpaka guru rupaka;
 - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- ra. Boya ahli waris kengin muponin hasil manut dudonan luwire :
 - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikoli pagunakaya sentana luh inucap kemawon;
 - 2) Balu luh wiadin muani nyeburin (soang-soang boya sentana);
 - 3) Mulih daha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan/bekel, makacihna paweweh tetep ring pianak sane kesah mawiwaha.

Pawos 67

- (1) Prade sajeronin pakulawargan wenten ahli waris langkungan ring adiri patut :
 - ha. kawentenang paigum indik pedum waris inucap, manut pararem;
 - na. yen tan prasida katunasang tatimbang ring Prajuru (kerta Desa);
 - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputungan, patut Prajuru/Dulu-dulu nibakang ring :
 - ha. Sang singgeh ahli waris manut pawos 64;
 - na. sang kengin anggen sentana manut pawos 62 angka (2) miwah angka (3);
 - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade jantos karang Desa kaepah utawi kasepih, patut soang-soang nedunin makrama Desa marep.

SAT SARGAH
WICARA LAN PAMIDANDA

Palet 1

Indik Wicara

Pawos 68

(1) Sane wenang mawosin makadi mutusang wicara ring Desa inggih punika Prajuru/Dulu Desa sinanggeh Kerta Desa.

(2) Tata dudonan mawosin saha muputang wicara warga desa kadi ring sor :

ha. kaping ajeng kabawosin olih Kelihan Banjar. ✕ →

na. Tan cumpu ring panepas Kelihan Banjar, karerehang pamutus ring paruman Banjar. → ✕

ca. Prade tan cumpu ring pamutus Banjar, katumusang ring Bendesa Pakraman lan Kertha Desa. ✕ →

ra. Taler tan wenten cumpu ring pamutus Bendesa lan Kerta Desa katunasang ring Paruman Desa Pakraman

(3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 69

(1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru/Dulu patut digelis mawosin tan nyantos pasadok.

(2) Sajaba wicara kadi ring ajeng patut nyantosang pasadok sang nunas bawos,

(3) Panepase patut pastika nyantenang iwang patut malarapan Tri Prumana (Saksi, ilikita, bukti) miwah tan maren nepek ring Catur Dresta. + ✕ ✕ =

Palet 2

Indik Pamidanda

Pawos 70

(1) Desa/Banjar wenang niwakang pamidanda ring warga Desa/Banjar sane sisip;

(2) Paniwak inucap kalaksanayang olih Bendesa/Klian Banjar;

(3) Bacakan pamidanda luwire :

ha. ayahan panukun kasisipan;

na. danda arta;

ca. kanorayang, manut pararem; ✓

ra. panyangaskara. + + →

(4) Pamidanda

- (4) Pamidanda sane katiwakang patut masor singgih manut ring kasisipane;
- (5) Jinah utawi raja brana pamidanda ngaranjing dados druwen Desa/Banjar.

Pawos 71

- (1) Krama sane langkungan ring tigang paruman ngalantur tan nawur urunan miwah dedosan wenang karampag;
- (2) Rerampagan ngangge tata cara kadi ring sor :
 - ha. Kalaksanayang olih Prajuru kasarengin olih Krama, saakeha tigang diri maka saksi;
 - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
 - ca. Prajuru/Dulu miteketang mangda barang-barang sane karampag digelis katebus, masenger awuku (7 rahina) ring kutus rahinane pacang kaadol;
 - ra. Tan nganinin saluwir barang sane patut inggilang manut Agama miwah tan mademang jiwa sang karampag.

Pawos 72

- (1) Prade sang pacang karampag ngawara (ngalangin) palaksanan inucap mawastu sampun tan nganutin Awig-awig wenang karang Desa sane kagenahin kadaut olih Desane (manut pararem).
- (2) Samaliha yen purun taler ngalangin palaksanan kadi ring ajeng tan wenten pamargi sajawaning kasepekan olih Krama Desane (manut pararem)
- (3) Pamidanda inucap ring ajeng keni buntas risampun sang kakenin :
 - ha. nunas geng pangampura ring Krama Desa riantukan nguak pasubaya (pararem) pecak;
 - na. nawur pangargan panguak pasubayane duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH

NGUWAH - NGUWUHIN AWIG-AWIG

Pawos 73

- (1) Nguwuh-nguwuhin Awig-Awig Desa puniki kalaksanayang ring paruman Desa
- (2) Awig-awig puniki kamargiang ngawit kaingkupin (kararemin).

Pawos 74

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem.

ASTHAMA SARGAH

SAMAPTA

Pawos 75


- (1) Awig-awig puniki kararemin olih krama Desa Pakraman Mawang duk rahina Buda pananggal/pang pitu sasih kawolu isaka 1925 Tanggal Masehi 28 Januari 2004 Ring wantilan Jaba Pura Puseh Desa Pakraman Mawang.
- (2) Awig-awig puniki kalingga tanganin olih Bendesa lan Prajuru Adat, kasarengin Klian-klian Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tanganin :
ha. Kaprathama Prajuru Pakraman :

1. Bendesa Pakraman



I Made Neka

2. Panyarikan




Drs. I Made Karang Nuryana


Klian Banjar

3. Kelian-Kelian Banjar :


Kelian Banjar Pakraman Mawang Kaja


I Nyoman Midep

Kelian Banjar Pakraman Mawang Kelod


I Wayan Sebig

Kelian Banjar Pakraman Apuh



I Wayan Puger

Kelian Banjar Pakraman Lod Sema


I Made Daña

na. Kaping kalih Prajuru Dinas Pinaka Saksi :

1. Kelian Banjar Dinas Mawang Kaja


I Wayan Nadi

2. Kelian Banjar Dinas Mawang Kelod


I Wayan Java

3. Kelian Banjar Dinas Apuh


Drs. I Made Surata Atmaja


4. Kelian Banjar Dinas Lod Sema


I Wayan Beratha


Drs. Ida Bagus Ngurah Gde


I Nyoman Suta

Mengetahui dan telah dicatatkan
Pada tanggal : 19 Januari 2004
Nomor : 2 Tahun 2004

 **BUPATI GIANYAR,**

B. AGUNG BHARATA